

Mahere Aromatawai – 2016**Te Reo Rangatira: Te tātari i te reo tuhituhi hou (91664)****Taunakitanga**

Tūmahi	Whakautu	Paetae	Kaiaka	Kairangi
1	<p>Mārama kehoheko te kitea atu i te take i rarau atu ai te kaituhi nei i te whare tipuna hei kupu whakatau iho māna mō te mana o te wahine. He nui noa atu ngā take i pēnei nā. Tuatahi, i te ao Māori, kāore pea i kō atu i te whare tipuna mō te whakaatu i te mana o te hapū, o te iwi rānei i te mea i heke tahi ai ngā uri i te tāhuhu nui o taua whare.</p> <p>Kāti, ko te whare tipuna te kōpua nui mō te minenga. Nā, ko te ariā nui i whakawhenuahia te tangata ki konā, ki te kōpū o te wahine, ki te mōwai rokirokitanga o tērā taiao, hei reira ia poipoia ai, manaakitia ai. Hei tōna wā anō, ka puta ki te whai ao, ki te ao mārama.</p> <p>Waihoki rā, ko tā te kaituhi, “ko te wahine te kōkā o te iwi”, arā, ka noho ia hei whare whakaruruhau mō te iwi, ko tana reo karanga he reo e pōhiri mai nei i te manuhiri ki te kuhu mai ki roto ki a ia, ā, ka tapu te noho ...</p>	He whai i te ia o te whakamāramatanga me te tātarihanga hoki o te reo ā-tuhi.	He mōhio ki te ia o te whakamāramatanga me te tātarihanga hoki o te reo ā-tuhi.	Kua mau pū te ia o te whakamāramatanga me te tātarihanga hoki o te reo ā-tuhi.
2	<p>I te taetanga atu o te rangatira, a Taharākau, ki roto ki te rohe o Te Wairoa ka tūtakina a Tapuwae, te mana nui o taua takiwā. Kua kitea atu te mana o tēnei rangatira e Taharākau i te maha o ngā kāinga e tūtū haere ana i ngā tahataha o te awa o Te Wairoa.</p> <p>Ka tīkina atu e te kaituhi tētahi whakataukī ki te whakaariari ake i te mana nui o Tapuwae, arā, “He pū harakeke whakakīkī i ngā whāwhārua.”</p> <p>Kāore e kore, i te whakaututanga mai e Taharākau i te pātai a Tapuwae mō te tohu o te rangatira, ka whakaarotia ake mō te maha o ngā tāngata e noho ana i te whakamarumarū o Tapuwae anō rā he tini pū harakeke i ngā whāwhārua— ka whakataukītia ake “... he whare maihi i tū ki roto ki te pā tūwatawata he tohu nō te rangatira ...</p>	He whai i te ia o te whakamāramatanga me te tātarihanga hoki o te reo ā-tuhi.	He mōhio ki te ia o te whakamāramatanga me te tātarihanga hoki o te reo ā-tuhi.	Kua mau pū te ia o te whakamāramatanga me te tātarihanga hoki o te reo ā-tuhi.

3	<p>(a) Ko tā te kaituhi, he akiaki, he whakakipakipa i a tātau, i te tangata, i te iwi Māori ki te whakaoho i te pitomata i roto i a tātau. Hei aha koa, hei painga anō mō te tangata, mō tōna iwi rānei ...</p> <p>(e) He kaha nō te kaituhi ki te whāwhā i ngā nuka reo pēnei i te huahuatau. Nāna te rākau ranginamu o te kauri i tiki atu hei kawē i ōna whakaaro mō te tipu o te tangata. He rākau rangatira tēnei nō te wao nui a Tāne, nā, me pērā hoki te whakaaro o te tangata ki a ia anō. Ko te māhuri kauri he rite tonu ki te tangata taiohi, nā, me kaha te poipoi kia tū rangatira ai te tangata, ā, kia ea ai te kupu, “Te piko o te māhuri; tērā te tupu o te rākau” ...</p>	He whai i te ia o tētahi o ngā whakautu.	He mōhio ki te ia o ngā whakautu.	Kua mau pū te ia o ngā whakautu.
---	---	--	-----------------------------------	----------------------------------

Tūmahi tuatahi

KIW1	KIW2	Paetae 3	Paetae 4	Kaiaka 5	Kaiaka 6	Kairangi 7	Kairangi 8
Kotahi te take i tautohua.	Kotahi, e rua rānei ngā take i tautohua.	E rua ngā take i tautohua.	E rua ngā take i tautohua.	E rua ngā take i whakamārama-hia.	E rua ngā take i kaha ki te whakamārama.	E rua ngā take i kaha ki te whakamārama.	E rua ngā take i autaiā ki te whakamārama.
He tiki kau noa i t/ētahi taunakitanga, tē hāngai atu.	He tiki noa i t/ētahi taunakitanga, he paku hāngaitanga.	He tiki i t/ētahi taunakitanga e hāngai ana.	He tiki i ētahi taunakitanga e hāngai ana.	He nui ngā taunakitanga e hāngai ana.	He nui ngā taunakitanga e hāngai pū ana.	He nui noa atu ngā taunakitanga e hāngai pū ana.	He autaiā ki te tiki taunakitanga e hāngai pū ana.
KIW0 = He tuhinga nanunanu, kāore he tuhituhi.		He pāpaku ngā whakamāramatanga.	He whānui ake te whakamāramatanga o tētahi take i tētahi atu.	He whānui ngā whakamāramatanga e rua.	He tino whānui ngā whakamāramatanga e rua.	He whānui, he hōhonu hoki ngā whakamāramatanga e rua.	He autaiā ngā whakamāramatanga e rua.
Kāore i eke		Ka tautohu		Ka whakaahua		Ka mārama	

Tūmahi tuarua

KIW1	KIW2	Paetae 3	Paetae 4	Kaiaka 5	Kaiaka 6	Kairangi 7	Kairangi 8
He kimikimi noa.	He paku whakamārama i te tikanga o ngā kupu i tīpakohia.	He whakamārama i te tikanga o ngā kupu i tīpakohia.	He whakamārama i te tikanga o ngā kupu i tīpakohia.	He whānui te whakamārama i te tikanga o ngā kupu i tīpakohia.	He tino whānui te whakamārama i te tikanga o ngā kupu i tīpakohia.	He tino whānui te whakamārama i te tikanga o ngā kupu i tīpakohia.	He autaia tonu te whakamārama i te tikanga o ngā kupu i tīpakohia.
Kāore āna tātarihanga i te reo ā-tuhi.		He pāpaku te tātarihanga i te reo ā-tuhi.	He tātarihanga i te reo ā-tuhi.	He whānui te tātarihanga i te reo ā-tuhi.	He tino whānui tātarihanga i te reo ā-tuhi.	He whānui, he hōhonu hoki te tātarihanga i te reo ā-tuhi.	He autaia tonu te tātarihanga i te reo ā-tuhi.
He tiki kau noa i t/ētahi taunakitanga, tē hāngai atu.	He tiki noa i t/ētahi taunakitanga, he paku hāngaitanga.	He tiki i t/ētahi taunakitanga e hāngai ana.	He tiki i ētahi taunakitanga e hāngai ana.	He nui ngā taunakitanga e hāngai ana.	He nui ngā taunakitanga e hāngai pū ana.	He nui noa atu ngā taunakitanga e hāngai pū ana.	He autaia tonu te tiki atu i ngā taunakitanga e hāngai pū ana.

KIW0 = He tuhinga nanunanu, kāore he tuhituhi.

Tūmahi tuatoru

KIW1	KIW2	Paetae 3	Paetae 4	Kaiaka 5	Kaiaka 6	Kairangi 7	Kairangi 8
Kotahi te whakaaro matua i tautohua.	Kotahi, nui ake rānei ngā whakaaro matua i tautohua.	E rua, nui ake rānei ngā whakaaro matua i tautohua. He nuka reo i tirohia.	E rua, nui ake rānei ngā whakaaro matua i tautohua. He nuka reo i tirohia.	E rua, nui ake rānei ngā whakaaro matua i whakaahuatia. He nuka reo i tirohia.	E rua, nui ake rānei ngā whakaaro matua i whakaahuatia. He nuka reo i tātaringia.	E rua, nui ake rānei ngā whakaaro matua i kaha whakamāramahia. He nuka reo i tātaringia.	E rua, nui ake rānei ngā whakaaro matua i autaia tonu te whakamāramahia. He nuka reo i tātaringia.
He tiki kau noa i t/ētahi taunakitanga, tē hāngai atu.	He tiki noa i t/ētahi taunakitanga, he paku hāngaitanga.	He tiki i t/ētahi taunakitanga e hāngai atu ana.	He tiki i ētahi taunakitanga e hāngai atu ana.	He tiki taunakitanga e hāngai atu ana.	He tiki taunakitanga e hāngai pū ana.	He kaha tonu te tiki atu i ngā taunakitanga e hāngai pū ana.	He autaia tonu te tiki atu i ngā taunakitanga e hāngai pū ana.
KIW0 = He tuhinga nanunanu, kāore he tuhituhi.		He pāpaku ngā whakamāramatanga me te tātarihanga o ngā nuka reo.	He whānui ake rānei te whakamāramatanga me te tātarihanga o ngā nuka reo.	He whānui ngā whakamāramatanga me te tātarihanga o ngā nuka reo.	He whānui tonu ngā whakamāramatanga me te tātarihanga o ngā nuka reo.	He whānui tonu atu ngā whakamāramatanga me te tātarihanga o ngā nuka reo.	He autaia tonu ngā whakamāramatanga me te tātarihanga o ngā nuka reo.

Ngā Whakatau Iho

Kāore i Whiwhi	Paetae	Kaiaka	Kairangi
0 – 8	9 – 13	14 – 20	21 – 24